



Universidade de Vigo

Unidade de Cultura Científica



GOBIERNO DE ESPAÑA

MINISTERIO DE CIENCIA, INNOVACIÓN Y UNIVERSIDADES



I Concurso de monólogos científicos

Bases

No marco do Plan anual de actividades da Unidade de Cultura Científica e da Innovación (UCC+i) da Universidade de Vigo «Ciencia de Ida e Volta», que conta coa colaboración da Fundación Española para a Ciencia e a Tecnoloxía-Ministerio de Ciencia, Innovación e Universidades, convócase a primeira edición do concurso de monólogos «Gargallada científica». As persoas participantes deberán realizar un monólogo en galego sobre o seu traballo científico, cun ton divulgativo e en clave de humor.

Que é «Gargallada científica»?

É un concurso de monólogos da Universidade de Vigo, que ten a finalidade de darlle visibilidade ao traballo investigador e fomentar a divulgación dentro da institución educativa, empregando a creatividade e o humor. Esta iniciativa pretende achegar o coñecemento científico á sociedade dun xeito accesible, entretido e rigoroso, amosando a faciana máis próxima e humana da investigación universitaria. Ademais, con este concurso promoveranse as habilidades comunicativas do persoal investigador, impulsando novos formatos e novas formas de transmitir a ciencia que conecten co público.

Requisitos de participación

Poderá participar todo o persoal investigador da Universidade de Vigo. As solicitudes das persoas que incumpran con esta condición desestimaranse.

Se as investigacións estivesen vinculadas a algún acordo de confidencialidade, as investigadoras e investigadores deberán contrastar coas partes implicadas os contidos utilizados no concurso. A Universidade de Vigo non se responsabilizará das infraccións que se poidan derivar do devandito incumprimento.

Premios

Nesta primeira edición, o Concurso de monólogos científicos contará cun único premio outorgado polo xurado. O xurado estará composto por persoas vinculadas ao ámbito da comunicación, a investigación e o humor. O premio consistirá nun kit audiovisual, valorado en 600 euros.

Non se contempla, polo tanto, a concesión dun premio do público nin outras categorías adicionais.

Desenvolvemento do concurso

O concurso desenvolverase entre os días 4 de novembro e 4 de decembro de 2025. Non se terán en conta os vídeos enviados fóra deste período.

Para poder participar, o persoal investigador terá que enviar un vídeo cunha interpretación persoal dun monólogo científico en galego (ou a ligazón da súa descarga) á conta de correo electrónico da Unidade de Cultura Científica e da Innovación: ucc@uvigo.gal indicando no asunto: Gargallada científica. No corpo do correo será necesario indicar o nome e apelidos completos, DNI e un teléfono de contacto, preferiblemente o teléfono móbil (consulta a política de protección de datos ao final deste documento).

Posteriormente, todos os vídeos dos monólogos publicaranse na canle de YouTube da UCC+i.

Reglas e instrucións

Cada participante deberá cumprir as seguintes regras e instrucións:

1. O vídeo do monólogo deberá estar en formato mp4, gravado en horizontal e terá unha duración máxima de tres minutos.
2. O contido do monólogo deber ter como base un tema científico ou tecnolóxico.
3. O monólogo debe ser en galego, orixinal e inédito.
4. O vídeo non poderá ir acompañado de edición nin de efectos especiais e non se poderán empregar diapositivas.
5. Non se poderán presentar traballos realizados por profesionais.
6. Calquera dato ou información proporcionada polos e polas concursantes debe ser susceptible de difusión pública. O envío do vídeo e, polo tanto, a participación no concurso, implica a cesión dos dereitos de imaxe por parte das persoas que aparecen nel.
7. A decisión do xurado será definitiva e inapelable.
8. O vídeo deberá enviarse entre as 12.00 horas do 4 de novembro e as 12.00 horas do 4 de decembro de 2025.

Xurado e criterios de valoración

1. O xurado estará composto por un mínimo de tres persoas de diferentes áreas de coñecemento e unha delas será un recoñecido monologuista científico. A decisión anunciarase o 5 de decembro de 2025.

Os criterios de valoración serán comúns a todas as ramas de coñecemento:

1. Contido (máximo 5 puntos): emprego dunha linguaxe sinxela (evitando tecnicismos e xerga científica) e divulgativa que permita a comprensión do contexto, do tema e a súa importancia por un público non especializado. Uso dunha estrutura lóxica e atractiva. Non banalizar o contido da investigación: este debe ser divulgativo, próximo pero rigoroso.
2. Creatividade e humor (máximo 5 puntos): habilidade para entreter e captar a atención do público a través da comunicación verbal e non verbal. O obxectivo é facer rir e pensar!
3. Calidade técnica (máximo 5 puntos): valorarase a calidade do son e da imaxe do vídeo, tendo en conta que se poderán presentar contidos gravados cun dispositivo móbil.

Consideración final

O incumprimento das bases da convocatoria, así como a ocultación de datos, a súa alteración ou manipulación, poderá ser causa de desestimación e, no seu caso, de devolución do premio percibido.

Política de protección de datos

Os datos persoais solicitados recóllense coa única e exclusiva finalidade de permitir e facilitar a participación neste concurso e poder comunicarlles o seu resultado ás persoas participantes no tempo e na forma.

Estes datos son recollidos e tratados pola Unidade de Cultura Científica da Universidade de Vigo. Máis información sobre protección de datos e dereitos dixitais:

- Lei orgánica 3/2018, do 5 de decembro, de protección de datos persoais e garantía dos dereitos dixitais

- Información sobre protección de datos da Universidade de Vigo: <https://www.uvigo.gal/proteccion-datos>

Ciencia en

GALEGO

Gargallada científica

4 novembro - 4 decembro
I Concurso de monólogos científicos
Vídeos de ciencia en galego

11 de decembro
Solo de ciencia en galego
Vitruvia Café